

北京圖書館 編

北京圖書館藏珍本
年譜叢刊



第 118 冊

北京圖書館出版社

□ 北京圖書館 編

北京圖書館藏珍本

年譜叢刊

北京圖書館出版社

第 118 冊



第一一八冊目錄

夕石自訂年譜	一
倪迂存先生年譜	七三
黃勤敏公年譜	一四九
世承佐領慶安年譜	二二七
周慕護年譜	二三三
鶴皋年譜	二七九
長山公自書年譜	三〇九
杏莊府君自叙年譜	三七五
葉健庵自訂年譜	五一七
葉健庵先生年譜卷上	五九五

石白訂年譜

元鑑

少而懦鈍獨學寡聞幸竊科名自慚嵬瑣服官

垂二十年卒以不利走趨屢遭顛躓飢來驅我老至
依人知來日之無多慨修名之不立眷懷疇昔彌用
疚心燈炮更闌記述一二聊以志生平蹤跡存之以
自考鏡得失云爾我陸氏系出象山世居江右金溪
縣明永樂間始遷浙江烏程縣之神墩繼遷烏鎮卽
王存元豐九域志所云烏墩鎮是也仍隸烏程縣
六世祖雅修公

諱

大德孝友端潔里中李尙寶敬禮

之舅氏王秋泉素封無嗣撫卹公於襁褓旣而庶妾

得子族人曰僞也陸甥過繼已久豈不賢於螟蛉乎
公曰慈闈老矣吾兩兄一館穀一業醫晨昏定省
吾之責也遂歸而竭力事母舅家有分不惟不爭竟
不受以明經授錢塘訓導一日子夜忽有踰牆入署
中者驚以爲盜然微聞哭聲追視之乃一女子自言
錢塘學秀才某之妾爲嫡妻所偏逃死至此明日學
中吏胥皆稱某生巨富畱其妾可大有所取 公戒
勿洩密召生來囑云此女情詞甚苦毋太督責卽令
昇去卻其謝時有杭嚴道署學道者委查合郡傾銀
鋪有低假銀者罪之 公一文不染但徧諭匠戶萬

勿犯法合郡嘖嘖稱服沈文定公

演與

公同學是

年入杭先施於學署門者辭以外出文定公笑云昔
蒞署中必無兩與蓋今與蓋在必非出外者不得已
見之生平落落類如此由錢塘遷鳳陽教授年尚六
旬有二喟然曰鳳泗路遙老而跋涉不可遂不赴任
蓋有古賢人風云 高祖繡公公諱彪順治己丑進
士分發廣東以知府用蓋是科特例也旋授韶州府
知府隨平靖兩藩入粵時省會未開大兵露處城外
一切軍需取給南韶二府撫布按各上臺俱駐劄韶
城各府州縣赴任官因地方未開阻畱韶郡者不下

數百人拮据軍需酬酢賓客安集貧民殆無寧晷李
撫軍棲鳳特以清勤入薦丁艱歸里後補雷州府雷
自明季屢遭兵火時各屬地方尚爲王之翰所踞城
中一片瓦礫驕將悍兵蜂屯雲集甫下車卽與鎮弁
約曰

朝廷百姓吾與爾共之嗟此予遺尚堪兵丁蹂躪乎
有非法殘民者卽通申各臺懲治之自是五年之間
兵無敢犯者荒殘之餘絃誦久歇 公歎曰士爲四
民之首斯文振興則民心歸附請之巡按張公純熙
具題得省方觀風照歲試例生員前列入餼童生准

入學則不獨培植人材實可藉以安反側也禮部覆
准依議一時曠典自公發之先是王之翰據廉州
西海自稱鞏雷大將軍與其弟之鑑表弟黃占三驅
民爲賊害滋大公署道篆探知占三與之鑑有隙
密遣海康縣典史康萬福間之占三喜甚薙髮降遂
與鎮兵進勦生擒之鑑已而之翰復勾廉州賊鄧耀
欲爲弟報仇公飛文乞兵水陸竝進耀焚巢遁入
交趾之翰窮蹙不得已亦降督院王公國光敘平海
西實首功也當是時雷郡久罹兵燹百姓或逃或死
一望皆石田部據原額考成官民重累公屢請撫

軍題蠲撫軍以事關錢糧再三查造荒冊 公竭蹶
按查上之得蠲八徵二至今官民沾恩口碑不置云
擢雷瓊道因病乞歸卒祀名宦鄉賢生子三次爲

曾祖考崧及公

諱

樹駿邑增生

敕封文林郎江南興化縣知縣 公讀書敦行老而
不衰嘗輯四書講義綜諸家之說而折衷其是手自
鈔錄成帙 本生祖考愚汀公臨歿時猶以未及刊
刻爲恨生子三長卽 本生祖考愚汀公

諱

所雍正

庚戌進士歷任江南興化廣東清遠知縣廉潔自矢
所至不名一錢

晉贈奉直大夫禮部儀制司主事次爲 祖考自澄

公

諱

烜縣學生爲政在家淡於進取弟兄誼最篤至

老無間言

敕封文林郎河南密縣知縣

晉贈朝議大夫四川雅州府知府無子以吾 父秋

畦

府君

諱

世埰嗣焉吾

母施太恭人爲 外祖

淳如公

諱

德涵第九女以珍愛故擇壻至慎見 府

君卽目爲遠到器遂締姻好乾隆十五年庚午十一

月十四日卯時

元鉉

始生於烏鎮舊宅乳名鳳池是

年 府君舉於鄉

同里程同文填諱

十六年辛未二歲

十七年壬申三歲是年六月 本生祖母朱太宜人

卒

十八年癸酉四歲

十九年甲戌五歲

本生祖命名

元鉉

始入學家貧

不能延師

祖自澄公親爲督課

公慈愛未嘗加

以一呵一杖而性苦魯鈍日誦千字文二句猶格格

不能上口

二十年乙亥六歲是年大荒之後繼以大疫親故多
罹其災吾家竟無一疾病者

二十一年丙子七歲聘葉氏婦葉氏與吾家比鄰而居婦幼時吾母嘗見之愛其端好異常女時有錢叟宗洛者善星命之術遣老嫗竊叩之叟云此瓶中花耳雖佳不能久也而吾母卒以心愛故弗之信噫豈知此叟一言竟爲異日分飛之讖也哉

二十二年丁丑八歲

二十三年戊寅九歲每日晡自塾中歸吾母必令背誦所授章句又錄唐人詩令於宵分誦習誦畢隨意舉詩句中字命調四聲有不合者口授之令再熟誦是年八月仲弟元鑽生

二十四年己卯十歲從弟元鑒元鑒延舅氏徐玉門

先生館於家亦往從學

二十五年庚辰十一歲正月 府君進京會試時族

兄方山先生素行恂恂一時稱鄉祭酒吾 母命往

受業焉

二十六年辛巳十二歲十一月 祖自澄公卒 公

素善飲日就衰邁至是復患脾洩眠食需人扶持吾

母日夜侍湯藥復百計籌甘旨以冀老人勉進飲

食搜蠹篋無可典質者鹽豉菽水俱取給於鍼黹間

寒窗兩手皴瘃血濡縷未嘗言勞瘁也

元鉉

亦時在

牀榻間浣牖捧筆無少間不復理詩書故業

二十七年壬午十三歲延表兄施來雍先生課讀初
習舉業文夜分輒學作古今體詩吾母時爲指授
焉五月府君奉諱南歸

二十八年癸未十四歲府君在家教授生徒館穀
無多家食不足寒冬猶無綿衣日趨乃炊其常事也
二十九年甲申十五歲府君館於金丈遂初家隨
往同學

三十年乙酉十六歲仍隨府君在金丈家同學六
月出應童子試被落九月患疝症甚劇本生祖愚

丁公素加鍾愛自吳門解館旋里年已八十猶日就牀榻撫摩至再或潛以果餌錢文置枕函邊以備口腹之需高年光景迄今猶如在目前也

三十一年丙戌十七歲 府君計偕北上挑列三等

以教職用因 本生祖精力就衰榜發後卽日歸里

瓶無儲糧啼號舉室吾 母嘗於娣姒中借一銀釵

令

元鑑

赴質庫典錢易米匁甫出袖瞥見一素識者

在座心欲避之不覺置釵於櫃踉蹌而出及再往質庫門已閉傍徨無措垂涕而歸吾 母再三撫慰然已不能舉火矣

三十二年丁亥十八歲十一月 本生祖愚汀公卒

公素無疾病讀書外無他嗜好晚年猶能作小楷

手鈔書藉甚夥時

元鉉

已稍知自好期望倍切嘗語

所親曰吾於諸孫無所厚薄而他日能守范馨遺硯

者尤於此子有深望焉後

元鉉

有述懷詩其前四句

云大父恩深記昔時瓦燈教讀冷絲絲曾言破硯畱

他日能誦遺經是此兒蓋紀實也每逢三八日面課

詩文必自作一篇示之使知理法之所在易簣之前

數日猶命題作文題爲予懷明德一句

元鉉

未及瞻

真而 公腹稟已就索紙疾書錄至小講卽手戰不

能握管嗚呼此卽 公之絕筆也是年九月再應童子試仍被落一領青衿不克仰副老懷今雖幸竊科名猶不勝餘痛焉

三十三年戊子十九歲館於歙村沈氏爲童子師歲脩五千文牛宮豕欄困苦不堪然自是乃漸知力學矣 府君亦因飢驅北上時無錫嵇文恭公官河帥行次涉上畱課其四公子 承羣 旋偕至京

三十四年己丑二十歲仍館於沈氏應童子試復被落無師之學本非利器而又沉溺於墨卷惟以抄撮塗飾爲工不復知有理法表丈孫果仁先生見而憐